

## ეს მნიშვნელოვანია! მთხოვთ, ყურადღებით გაეცნოთ

დაზღვევის პირობების აქცეპტირებით (თანხმობის გაცხადებით) და წინამდებარე პოლისის შექმნით თქვენ ეთანხმებით და ადასტურებთ რომ:

ა) მზღვეველი უფლებამოსილია თქვენს მიერ წინამდებარე დაზღვევის შექმნის მიზნებისათვის მზღვეველისათვის მიწოდებული პერსონალური მონაცემები;

ა.ა.) სადაზღვევო შემთხვევის დადგომისას მიაწოდოს შპს “სადაზღვევო-საინფორმაციო ბიურო“-ს (საიდენტიფიკაციო კოდი: 2044558433) ამ უკანასკნელთან შეთანხმებული წესით, იმ პირობით რომ ეს უკანასკნელი უფლებამოსილი იქნება თქვენ მიერ მიწოდებული ინფორმაცია გადასცეს მესამე პირებს;

ა.ბ.) მზღვეველი უფლებამოსილია მიაწოდოს ინფორმაცია შპს „კრედიტო ინფო საქართველოს“ ( 204470740) ან სხვა ანალოგიური ფუნქციის მქონე დაწესებულებას იმ პირობით რომ მითითებული ორგანიზაციები უფლებამოსილნი არიან თქვენი პერსონალური მონაცემები მიაწოდონ მესამე პირებს; ასევე მზღვეველი უფლებამოსილია მიაწოდოს პერსონალური მონაცემები მესამე პირების თქვენ მიერ ხელშეკრულებით ნაკისრი ვალდებულებების შეუსრულებლობის ან შესრულების მონიჭორინგის შემთხვევაში;

ა.გ.) დაამუშაოს თქვენი პერსონალური მონაცემები სადაზღვევო ან/და მასთან დაკავშირებული მომსახურების გაწევის ან/და შეთავაზების ან/და მომსახურების ხარისხის ან/და დანერგვის კვლევის მიზნებისათვის.

ბ) პოლისის მოქმედების განმავლობაში, კანონმდებლობაში, პოლისით გათვალისწინებული დაზღვევის სახეობის ფორმასთან დაკავშირებით ცვლილებების/ დამატების განხორციელების შემთხვევაში, მზღვეველი უფლებამოსილია, თქვენი დამატებითი თანხმობის/ აქცეპტის გარეშე, დაზღვევის სახეობის უცვლელად და დაზღვევის სხვა ფორმით, კანონით გათვალისწინებული წესითა და პირობებით, გაგინოთ სადაზღვევო მომსახურება. ხოლო თქვენ, მზღვეველის მიერ მითითებული უფლებამოსილების გამოყენების შემთხვევაში, აცხადებთ თანხმობას შეასრულოთ შესაბამისი კანონმდებლობით გათვალისწინებული ვალდებულებები.

გ) დაზღვევის პირობებს, რომელიც დაზღვევის ხელშეკრულების დადებამდე ხელმისაწვდომია თქვენთვის, გაეცნით და ეთანხმებით.

დ) ტექსტური შეტყობინების საშუალებით მიიღოთ დაზღვევის პირობებში ცვლილების შეტანის თაობაზე ინფორმაცია; დაზღვევის პირობებში მზღვეველის მიერ ცალმხრივად ცვლილებების შეტანის შემთხვევაში გაცნობილი ხართ თქვენ უფლებებს და აცნობიერებთ თქვენი ქმედების შედეგებს.

ე) სადაზღვევო პოლისისა და დაზღვევის პირობების შესახებ დავის შემთხვევაში, უპირატესობა მიენიჭება მზღვეველთან დაკუთმებული ინფორმაციას/ ვერსიას.

ვ) დაზღვევის პირობებისა და სადაზღვევო პოლისის ყველა პირობა არის ნათელი და გასაგები, არ შეიცავს რაიმე ბუნდოვანებას და სადაზღვევო პოლისის შესაძენად თქვენ მიერ გაცემული ნებისმიერი თანხმობა გამოხატულია ნებაყოფლობით, ყველა პირობის (მათ შორის პერსონალური მონაცემთა დამუშავების) შესწავლის საფუძველზე და უთანაბრდება თქვენ მიერ წერილობით გაცემულ თანხმობას.

**ავტორანსპორტის მართვასთან დაკავშირებით  
მესამე პირების წინაშე წარმოშობილი სამოქალაქო  
პასუხისმგებლობის  
დაზღვევის პირობები # MTP- 003/17-1**

წინამდებარე პირობები ძალაშია ჩვენ მიერ გაცემულ **სადაზღვევო პოლისთან** ერთად. **სადაზღვევო პოლისის** გარეშე წინამდებარე პირობებს იურიდიული ძალა არ გააჩნია.

**ტარმინთა განმარტება**

**ქვემოთ მითითებული ტერმინები გამოიყენება წინამდებარე პირობებსა და/ან შესაბამის სადაზღვევო პოლისში და მათ ენიჭება შემდეგი მნიშვნელობები:**

**დამზღვევი** – ფიზიკური პირი, რომელიც აზღვევს პოლისში მითითებული ავტორანსპორტის მართვასთან დაკავშირებით მესამე პირების წინაშე წარმოშობილ სამოქალაქო პასუხისმგებლობას და რომელთანაც უშუალოდ ფორმდება **დაზღვევის ხელშეკრულება** და რომლის ვალდებულებასაც წარმოადგენს სადაზღვევო პრემიის გადახდა;

**დაზღვევის მოქმედების პერიოდი (სადაზღვევო პერიოდი)** – პოლისში განსაზღვრული პერიოდი, რომლის განმავლობაშიც დაზღვეულია ავტორანსპორტის მართვასთან დაკავშირებით მესამე პირების წინაშე წარმოშობილი **თქვენი** სამოქალაქო პასუხისმგებლობა და რომლის განმავლობაშიც დამდგარი შემთხვევები ექვემდებარება ანაზღაურებას;

**დაზღვეული** – ნებისმიერი პირი, მათ შორის **დამზღვევი**, რომელიც მართლზომიერად ფლობს დაზღვეულ ავტორანსპორტს და რომლის მიერ **დაზღვეული ავტორანსპორტის** მართვისას მოქმედებს წინამდებარე დაზღვევა. ამასთან, **დაზღვეული** აუცილებლად უნდა იყოს 21 წელს მიტანებული და უნდა გააჩნდეს მართვის უფლებამოსილება, მინიჭებული და მოქმედი საქართველოს მოქმედი კანონმდებლობის მოთხოვნათა შესაბამისად;

**დაზღვეული ავტორანსპორტი - პოლისში** მითითებული და **თქვენს** კანონიერ მფლობელობაში არსებული ავტორანსპორტი, რომლის მართვის დროს წარმოშობილი **თქვენი** სამოქალაქო პასუხისმგებლობა დაზღვეულია;

**დაზღვევის ხელშეკრულება** – დოკუმენტი, რომელიც აწესრიგებს დაზღვევის გაფორმების შედეგად **ჩვენსა** და **თქვენ** შორის წარმოშობილ უფლება-მოვალეობებს და რომელიც შედგება **სადაზღვევო პოლისისა** და წინამდებარე პირობებისგან (**სადაზღვევო პირობები**);

**მოსარგებლე** – პირი, რომლის სიცოცხლეს, ჯანმრთელობას ან/და ქონებას მიადგა ზიანი **დაზღვეულის** მიერ **დაზღვეული ავტოტრანსპორტის** მართვისას;

**სადაზღვევო თანხა** - **სადაზღვევო პოლისში** განსაზღვრული ფულადი თანხა, რომლის ფარგლებშიც **ჩვენ** ვალდებულნი ვართ გავკეთო ანაზღაურება;

**სადაზღვევო პრემია (პრემია)** - თანხა, რომელიც უნდა გადაიხადოთ დაზღვევის შესაძენად **პოლისში მითითებული პირობებით და წესით**;

**სადაზღვევო ანაზღაურება** - თანხა, რომელიც **სადაზღვევო შემთხვევის** დადგომისას გაიცემა **ჩვენ** მიერ **თქვენი, მოსარგებლის** ან მისი მემკვიდრის სახელზე;

**სადაზღვევო პოლისი (პოლისი/სერთიფიკატი)** - **ჩვენ** მიერ გაცემული წერილობითი დოკუმენტი, რომელიც ადასტურებს დაზღვევის ხელშეკრულების დადებას წინამდებარე პირობების შესაბამისად და ასახავს **დაზღვევის ხელშეკრულების** ძირითად პირობებს. ამასთან, თუ **პოლისში** დაფიქსირებული მონაცემები და წინამდებარე პირობებით განსაზღვრული დებულებები წინააღმდეგობაში მოდის ერთმანეთთან, უპირატესობა **პოლისის** ენიჭება;

**ფრანშიზა** (არაანაზღაურებადი მინიმუმი) – თანხა, რომელიც არ ექვემდებარება **მზღვევლის** მიერ ანაზღაურებას და რომელიც აკლდება ზარალის თანხის ოდენობას;

**დაზღვევის ტერიტორია** - შესაბამის სადაზღვევო პოლისში მითითებული ტერიტორია, რომლის ფარგლებშიც მოქმედებს წინამდებარე პირობებით გათვალისწინებული დაზღვევა;

**გამომუშავებული სადაზღვევო პრემია** – სადაზღვევო პერიოდის განმავლობაში კონკრეტული თარიღისათვის სადაზღვევო პერიოდის დასაწყისიდან ასეთ თარიღამდე განვლილი დროის მონაკვეთის პროპორციული პრემიის ოდენობა;

**გამომუშავებული სადაზღვევო პრემია** - სადაზღვევო პერიოდის განმავლობაში კონკრეტული თარიღისათვის სადაზღვევო პერიოდის ამონურკამდე დარჩენილი დროის მონაკვეთის პროპორციული პრემიის ოდენობა;

**საბაზრო ღირებულება** – ფულადი თანხა, რომელიც საჭიროა ადგილობრივ ბაზარზე განადგურებული ქონების ანალოგიური ან მსგავსი მახასიათებლების მქონე ქონების შესაძენად;

**სრული დაზიანება (განადგურება)** - ქონებისთვის განადგურებულად, თუ მისი აღდგენითი ღირებულება მისი საბაზრო ღირებულების 75%-ს ან მეტს შეადგენს.

**ცვტა** - დროთა განმავლობაში ქონების ბუნებრივი გაუფასურება;

**ჩვენ, ჩვენი** – მზღვეველი /"სადაზღვევო კომპანია ალდაგი";

**თქვენ, თქვენი** – დამზღვევი, დაზღვეული.

ამ ნაწილში მოცემული ცალკეული ტერმინების ჩამონათვალი არ არის ამომწურავი და წინამდებარე პირობებში შეიძლება ადგილი ჰქონდეს სხვა ტერმინების ცალკე განმარტებასაც, რა შემთხვევაშიც უპირატესობა უფრო კონკრეტულად და სრულად მოცემულ განმარტებას ენიჭება.

წინამდებარე პირობებში გამოყენებულ სხვა ტერმინებს გააჩნიათ ჩვეულებრივი მნიშვნელობა. ამასთან, თუ პირობებში გამოყენებული ტერმინების გაგება არაერთგვაროვანია, სხვადასხვა ინტერპრეტაციას შორის უპირატესობა ენიჭება საკანონმდებლო წესით განსაზღვრულ მნიშვნელობას, თუკი საქართველოს მოქმედი კანონმდებლობა ასეთს ითვალისწინებს.

## **1. მესამე პირების წინაშე პასუხისმგებლობის დაზღვევის საგანი**

მესამე პირთა წინაშე პასუხისმგებლობის დაზღვევის საგანს წარმოადგენს **დაზღვეულის** სამოქალაქო პასუხისმგებლობა, რომელიც დგება **დაზღვეულის** მიერ **დაზღვეული ავტოტრანსპორტის** მართვის შედეგად მესამე პირთა გარდაცვალების ან მათი ჯანმრთელობის/ქონების დაზიანების შედეგად.

## **2. რას ითვალისწინებს ავტოტრანსპორტის მართვასთან დაკავშირებით მესამე პირის (პირთა) წინაშე პასუხისმგებლობის დაზღვევა (სადაზღვევო შემთხვევა)**

**სადაზღვევო შემთხვევას** წარმოადგენს **დაზღვეულის მიერ დაზღვეული ავტოტრანსპორტის მართვის** შედეგად მესამე პირების სიცოცხლის, ჯანმრთელობის ან ქონებისათვის მიყენებული ზიანი, რომელიც დგება დაზღვევის მოქმედების პერიოდში და რომლის დადგომის შედეგად წარმოიშობა **ჩვენი** ვალდებულება, ავანაზღაუროთ ზიანი წინამდებარე პირობების შესაბამისად.

## **3. რა ანაზღაურდება**

3.1. **სადაზღვევო შემთხვევის** დადგომის დადასტურების შემთხვევაში, **სადაზღვევო თანხის** ფარგლებში, წინამდებარე პირობების გათვალისწინებითა და **თქვენსა** და **ჩვენ** შორის წერილობითი შეთანხმების საფუძველზე, ანაზღაურდება შემდეგი:

3.1.1. დაზარალებული მესამე პირების სიცოცხლის და/ან ქონების გადასარჩენად ან ზიანის შესამცირებლად გაწეული მიზანშეწონილი ხარჯები;

3.1.2. მესამე პირის პრეტენზიებთან დაკავშირებული სასამართლო ან სასამართლოს გარეშე პრეტენზიის განხილვის ხარჯები, აგრეთვე **სადაზღვევო შემთხვევის** დადგომის გარემოებებისა და ზარალის ოდენობის დადგენის ხარჯები (აღნიშნული ხარჯების ანაზღაურება ხდება **სადაზღვევო პოლისში** მითითებული სადაზღვევო თანხის 20%-ის ფარგლებში), თუ ისინი წერილობით იყო ჩვენთან შეთანხმებული;

3.1.3. დაზარალებული პირისათვის კანონიერ ძალაში შესული სასამართლოს გადაწყვეტილებების საფუძველზე გადასახდელი კომპენსაცია;

3.1.4. სასამართლოს გადაწყვეტილების გარეშე მესამე პირი(ებ)სათვის მიყენებული ზიანის კომპენსაცია, თუ ამგვარი კომპენსაციის ოდენობა წერილობითი გზით შეთანხმებულია **ჩვენთან** და თუ დაზარალებული წერილობით დაადასტურებს, რომ მას არ გააჩნია არავითარი შემდგომი პრეტენზია **სადაზღვევო შემთხვევასთან** დაკავშირებით.

3.2. სასამართლოს გადაწყვეტილების გარეშე კომპენსაციის ოდენობა, რომელიც არ უნდა აღემატებოდეს პოლისით განსაზღვრულ სადაზღვევო თანხას/პასუხისმგებლობის შესაბამის ლიმიტს, გამოანგარიშდება შემდეგი წესით:

3.2.1. მესამე პირის გარდაცვალების ან ჯანმრთელობისათვის მიყენებული ზიანის შემთხვევაში - მიყენებული მატერიალური ზიანის ოდენობა:

ა) ხელოვანი (შემოსავალი), რომელიც დაზარალებულმა დაკარგა, თუ იგი ნაწილობრივ ან სრულად შრომისუუნარო შეიქნა, შრომისუუნარობის დადგენიდან 24 თვის განმავლობაში;

ბ) დამატებითი ხარჯები, რომლებიც გამოწვეულია ჯანმრთელობის დაზიანებით, მათ შორის, მკურნალობის, დამატებითი კვების, მედიკამენტების, პროტეზირების, ზედამხედველობისა და მოვლის, სპეციალური სატრანსპორტო საშუალების შეძენის, პროფესიული გადამზადების ხარჯები, თუ დადგენილია, რომ დაზარალებულს ესაჭიროება აღნიშნული ტიპის დახმარება და არ აქვს მათი უფასოდ მიღების უფლება;

გ) ხელოვანის (შემოსავლის) ნაწილი, რომელსაც დაზარალებულის გარდაცვალების შემთხვევაში დაკარგავენ შრომისუუნარო პირები, რომლებიც დაზარალებულის კმაყოფილება იმყოფებოდნენ ან უფლება ჰქონდათ მიეღოთ მისგან სარჩო (რეგულარული გადახდების სახით), დაზარალებულის გარდაცვალებიდან 24 თვის განმავლობაში;

3.2.2. თუ მესამე პირი(ებს) **ქონებრივი ზიანი** მიადგება, სადაზღვევო თანხის ფარგლებში, **ჩვენ** ავანაზღაურებთ:

ა) ქონების სრული განადგურების შემთხვევაში – განადგურებული ქონების საბაზრო ან აღდგენითი ღირებულების ოდენობას, ხელყოფილი ქონების სპეციფიკის გათვალისწინებით, ცვეთისა და დარჩენილი დეტალების, რომელთა გამოყენებაც კიდევ შესაძლებელია, ღირებულების გამოქვითვით; ამასთან, თუ განადგურებულია ავტოტრანსპორტი, **ჩვენ** ავანაზღაურებთ მის საბაზრო ღირებულებას;

ბ) ქონების ნაწილობრივი დაზიანების შემთხვევაში – დაზიანებამდე არსებულ მდგომარეობამდე მისაყვანად საჭირო შეკეთების ხარჯებს;

გ) ცხოველების დაზიანების შემთხვევაში - მათი შესაბამისი მკურნალობის ხარჯებს.

3.3. **სადაზღვევო შემთხვევით** გამოწვეული რამდენიმე ადამიანის სხეულის დაზიანების ან გარდაცვალების, ასევე ქონების დაზიანების შემთხვევაში, თუ მთლიანი ზარალის ოდენობა აღემატება ერთი **სადაზღვევო შემთხვევისათვის** გათვალისწინებულ პასუხისმგებლობის ლიმიტს (ლიმიტის არარსებობის შემთხვევაში **პოლისში** მითითებულ სადაზღვევო თანხას), ანაზღაურება თითოეული დაზარალებულისათვის შემცირდება მიყენებული ზიანის საერთო ოდენობაში პასუხისმგებლობის ლიმიტის წილის გათვალისწინებით.

3.4. პოლისში ქვე-ლიმიტის არსებობის შემთხვევაში ანაზღაურების ოდენობა იზღუდება ამგვარი ქვე-ლიმიტის გათვალისწინებით.

3.5. ერთი შემთხვევით გამოწვეული დანაკარგი განხილული იქნება ერთ **სადაზღვევო შემთხვევად**. არავის აქვს უფლება, ორჯერ მიიღოს ანაზღაურება წინამდებარე დაზღვევის თანახმად ერთი და იმავე ზიანისთვის ან ზიანის რომელიმე ელემენტისათვის.

3.6. მესამე პირ(ებ)ისადმი მიყენებული ზარალის ასანაზღაურებელი მთლიანი თანხა, შემთხვევების რაოდენობის მიუხედავად, არ შეიძლება აღემატებოდეს **პოლისით** ამ დაფარვისათვის გათვალისწინებულ სადაზღვევო თანხას/ლიმიტს.

#### **4. რა არ ანაზღაურდება (გამონაკლისები)**

4.1. წინამდებარე პირობების თანახმად, დაზღვევა არ მოქმედებს და, შესაბამისად, დამდგარი ზარალი არ ანაზღაურდება, თუ ადგილი ჰქონდა:

4.1.1. 21 წელზე ახალგაზრდა მძღოლის ან/და მართვის უფლებამოსილების არმქონე მძღოლის მიერ **დაზღვეული ავტოტრანსპორტის** მართვას;

4.1.2. **დაზღვეული ავტოტრანსპორტის** მართვას იმ პირის მიერ, რომელიც არამართლზომიერად ფლობს აღნიშნულ ავტოტრანსპორტს;

4.1.3. **დაზღვეული ავტოტრანსპორტის** ექსპლოატაციას/მართვას **დაზღვეულის** მიერ ალკოჰოლური ან ნარკოტიკული ნივთიერების/საშუალებების ზემოქმედების ქვეშ;

4.1.4. თუ **დაზღვეული ავტოტრანსპორტი** მართვისათვის გამოუსადეგარ მდგომარეობაში იმყოფებოდა;

4.1.5. **დაზღვეულის** თვითმკვლელობას ან თვითმკვლელობის მცდელობას ან ისეთ განზრახ ქმედებას, რომელიც მიზნად ისახავდა შემთხვევით გამოწვეული შედეგის დადგომას;

4.1.6. **ავტოტრანსპორტის** აეროდრომის ან აეროპორტის ტერიტორიაზე მართვას;

4.1.7. იონიზირებულ რადიაციას, ბირთვულ ან სხვა სახის მავნე ნარჩენებიდან მიღებულ რადიაციას და დაბინძურებას; რადიოაქტიური, ფეთქებადი, ბირთვული ნივთიერების შემცველი აირის ბუნებრივი მდგომარეობის ცვლილებას;

4.1.8. რადიოაქტიური, ტოქსიკური, ფეთქებადი ან სხვა საშიში ნივთიერე ბების ტრანსპორტირებას;

4.1.9. საომარ მოქმედებებს, მიუხედავად იმისა ომი გამოცხადებულია თუ არა; დაპყრობას, სამოქალაქო ომს, მასობრივ არეულობას, აჯანყებას, დიქტატორულ რეჟიმს, საგანგებო მდგომარეობას; ტერორიზმს ან მის ნებისმიერ გამოვლინებას, ასევე სხვა ფორს-მაჟორულ გარემოებებს, დაზღვეული ფორს-მაჟორული რისკების გარდა და დამდგარი შემთხვევა შედეგად მოჰყვა ასეთ გარემოებებს;

4.1.10. ქმედებას, რომელიც საქართველოს მოქმედი კანონმდებლობის თანახმად, **მზღვევებს** უფლებამოსილებას ანიჭებს, უარი თქვას სადაზღვევო ანაზღაურებაზე.

4.2. დაზღვევა ასევე არავითარ შემთხვევაში არ ვრცელდება:

- 4.2.1. **დაზღვეულის** ან **დაზღვეული ავტოტრანსპორტის** მგზავრების გარდაცვალებაზე ან მათი ჯანმრთელობისათვის მიყენებულ ზიანზე (**დაზღვეულ ავტოტრანსპორტში** ჩასხდომის ან გადმოსვლის პერიოდის ჩათვლით);
- 4.2.2. **დაზღვეულის** თანამშრომლ(ებ)ის ან იმ პიროვნების გარდაცვალებაზე ან სხეულის დაზიანებაზე, რომელიც ავტოსაგზაო შემთხვევის დროს იმყოფებოდა სამსახურებრივ/შრომით დაქვემდებარებაში **დაზღვეულთან**;
- 4.2.3. **დაზღვეულის** ნათესავების გარდაცვალებაზე ან ჯანმრთელობისათვის მიყენებულ ზიანზე;
- 4.2.4. ნებისმიერი ქონებისათვის მიყენებულ ზიანზე, რომელიც წარმოადგენს **დაზღვეულის** საკუთრებას ან მინდობილი საკუთრების სახით ინახება მათთან ან გადაიზიდება **დაზღვეული ავტოტრანსპორტით** ან **დაზღვეულ ავტოტრანსპორტზე** მიმაგრებული ნებისმიერი მისაბმელით;
- 4.2.5. პასუხისმგებლობაზე, რომელიც წარმოიშვა ნებისმიერი სხვა კონტრაქტის, შეთანხმების საფუძველზე. სხვა დაზღვევის ხელშეკრულების არსებობის შემთხვევაში, რომლის მიხედვითაც იგივე ინტერესი არის დაზღვეული, მოქმედებს ორმაგი დაზღვევისათვის განსაზღვრული დებულებები, ანუ თუ ამ პირობების წინამდებარე ნაწილით გათვალისწინებული დაზღვევის ინტერესი ერთდროულად რამდენიმე მზღვეველთან აღმოჩნდება **დაზღვეული** (ორმაგი დაზღვევა), თქვენ ვალდებული ბრძანდებით ასეთი ინფორმაციის შეტყობისთანავე დაუყოვნებლივ გვაცნობოთ ჩვენ და შესაბამის წერილობით შეტყობინებაში აღნიშნოთ სხვა მზღვეველების ვინაობა და მათი პასუხისმგებლობის მოცულობა. ასეთ შემთხვევაში მზღვეველები დამდგარ ზარალში მონაწილეობას მივიღებთ, როგორც სოლიდარული მოვალეები ჩვენი პასუხისმგებლობის მოცულობის პროპორციულად, მაგრამ თქვენ არ გაქვთ უფლება, მოითხოვოთ ჯამში რეალურ ზიანზე მეტი თანხა;
- 4.2.6. დაზარალებული პირისათვის გადახდილი კომპენსაცია/დაზარალებული პირის წინაშე აღებული ან აღიარებული პასუხისმგებლობა, თუ ამგვარი მოხდა **ჩვენი** წერილობითი თანხმობის გარეშე;
- 4.2.7. არ ანაზღაურდება მესამე პირის, ასევე ცხოველების ჯანმრთელობის მდგომარეობის გაუარესება/გარდაცვალება, თუ ასეთი შემთხვევა დადგება ავტოსაგზაო შემთხვევის მომენტიდან 12 კალენდარული თვის გასვლის შემდეგ.

## **5. რა არის და როგორ განისაზღვრება სადაზღვევო თანხა და ფრანშიზა**

5.1 სადაზღვევო თანხა არის **თქვენსა და ჩვენ** შორის შეთანხმების შედეგად **სადაზღვევო პოლისში** განსაზღვრული ფულადი თანხის ზღვრული ოდენობა, რომლის ფარგლებშიც **ჩვენ** გადაგიხდით **სადაზღვევო ანაზღაურებას**.

5.2 ჩვენ შორის შეთანხმების საფუძველზე, **პოლისში** დადგენილი **სადაზღვევო თანხის** ფარგლებში შეიძლება განისაზღვროს ჩვენი პასუხისმგებლობის ქვე-ლიმიტი. ეს უკანასკნელი წარმოადგენს სადაზღვევო ანაზღაურების გადასახდელ ზღვრულ ოდენობას:

5.2.1 თითოეული რისკისათვის;

5.2.2 თითოეული/ცალკეული **სადაზღვევო შემთხვევისათვის** ან/და თითოეული დაზარალებულისათვის.

5.3 თუ **სადაზღვევო შემთხვევის** ანაზღაურების შემდეგ **თქვენ** მიერ დამატებითი პრემიის საფუძველზე არ მოხდება **სადაზღვევო თანხის** აღდგენა, **სადაზღვევო თანხა** შემცირდება ანაზღაურებული თანხის ოდენობით.

5.4 **სადაზღვევო პოლისში** განისაზღვრება **ფრანშიზა**, რაც წარმოადგენს თანხის იმ ოდენობას, რომელიც აკლდება მთლიან ანაზღაურებას და რომელზეც **ჩვენ** არ ვართ პასუხისმგებელი.

5.5 **ფრანშიზა** შესაძლოა განისაზღვროს როგორც ყველა, ისე ცალკეული სახის ზიანისათვის სხვადასხვა მოცულობით.

## **6. რა არის სადაზღვევო პრემია და როგორ უნდა გადავიხადოთ იგი**

6.1. სადაზღვევო პრემია წარმოადგენს დაზღვევის საფასურს, რომელიც **თქვენ** უნდა გა- დაგვიხადოთ წინამდებარე პირობების თანახმად და **სადაზღვევო პოლისით** დაწესებული და გათვალისწინებული წესითა და ვადებში;

6.2. **სადაზღვევო პრემიის** გადახდა ხდება ერთჯერადად ან განსაზღვრული პერიოდულ-ობით, განვადებით. სადაზღვევო პრემიის გადახდის პერიოდულობა, ვადები და სხვა არსებითი პირობები განისაზღვრება **პოლისის** გაფორმებისას და მიეთითება **პოლისშივე**.

6.3. სადაზღვევო პრემიის დროულად, სადაზღვევო პოლისით დადგენილ ვადებში გადაუხდელობის შემთხვევაში, თქვენ გეძლევათ გადახდის ორკვირიან დამატებით ვადა. თუ ამ ორკვირიანი ვადის გასვლის შემდგომ ადგილი ექნება სადაზღვევო შემთხვევას, და გადახდა არ იქნება განხორციელებული, ჩვენ ვთავისუფლდებით ანაზღაურების მოვალეობისაგან. წინამდებარე ჩანაწერი წარმოადგენს თქვენს გაფრთხილებას პრემიის დადგენილ ვადებში გადაუხდელობის უარყოფითი შედეგების თაობაზე და ამის შესახებ დამატებითი წერილობითი შეტყობინება აღარ გამოგეგზავნებათ.

6.4. პრემიის დროულად გადაუხდელობა უფლებას გვაძლევს ერთი თვით ადრე გაგაფრ- თხილოთ ხელშეკრულების შეწყვეტის თაობაზე და ამ ვადის უშედეგოდ გასვლის შემდეგ შევწყვიტოთ დაზღვევის ხელშეკრულება

## **7. დაზღვევის ხელშეკრულება**

7.1 იმისათვის, რომ **დაზღვევის ხელშეკრულება** გაფორმდეს, აუცილებელია წარმოგვიდგინოთ ავტოტრანსპორტის სარეგისტრაციო მოწმობა, **თქვენი** პირადობის დამადასტურებელი დოკუმენტი და მართვის



მოწმობა. ამ დოკუმენტების საფუძველზე მომზადდება **პოლისი** და წინამდებარე პირობებთან ერთად გადმოგეყვამათ **თქვენ**.

7.2 **სადაზღვევო პოლისის** გაცემა ადასტურებს დაზღვევის ხელშეკრულების დადებას. მხოლოდ **პოლისის** არსებობის შემთხვევაში **ჩვენ** ვალდებული ვართ **სადაზღვევო პრემიის** სანაცვლოდ **სადაზღვევო შემთხვევის** დადგომისას გადავიხადოთ **სადაზღვევო ანაზღაურება**.

7.3 **სადაზღვევო პერიოდში პოლისის** დაკარგვის შემთხვევაში **თქვენ** უნდა წარმოგვიდგინოთ წერილობითი განცხადება, რომლის საფუძველზეც **ჩვენ** გავცემთ **პოლისის** დუბლიკატს (სათანადო გრიფით, რაც ადასტურებს, რომ **პოლისი** დუბლირებულია). **პოლისის** დუბლიკატის საიდენტიფიკაციო მონაცემები უცვლელი დარჩება, ხოლო დაკარგული **პოლისი** ძალადაკარგულად ითვლება და მის საფუძველზე წარმოდგენილი მოთხოვნები ანაზღაურებას არ ექვემდებარება.

7.4 **სადაზღვევო პერიოდში** სადაზღვევო დაფარვის პირობებში რაიმე ცვლილების შეტანის შემთხვევაში ამგვარი ცვლილებები უნდა აისახოს **პოლისში** ან მის დანართში, ხოლო **პოლისსა** და **სადაზღვევო პირობებში** შეუსაბამობის შემთხვევაში უპირატესობა **პოლისის** მიენიჭება.

## **8. ინფორმაციის მიწოდება რისკის ხარისხის შეფასებისთვის**

8.1 **ჩვენ** ვალდებული ვართ, გაგაცნოთ და გადმოგცეთ წინამდებარე **სადაზღვევო პირობები**.

8.2 **ჩვენ** გვაქვს უფლება **სადაზღვევო პოლისის** გაცემამდე, ხოლო საჭიროების შემთხვევაში **პოლისის** გაცემის შემდეგაც, მოგთხოვოთ ნებისმიერი დოკუმენტის წარმოდგენა, რომლის მეშვეობითაც განისაზღვრება **სადაზღვევო შემთხვევის** ალბათობა.

8.3 დაზღვევის გაფორმებამდე აუცილებელი წესით უნდა შეგვატყობინოთ **თქვენთვის** ცნობილი ყველა გარემოების შესახებ, რომელმაც შესაძლოა გავლენა იქონიოს **სადაზღვევო შემთხვევის** დადგომის რისკის შეფასებაზე.

8.4 აუცილებელია, წერილობითი სახით დაუყოვნებლივ, გვაცნობოთ **სადაზღვევო პოლისის** გაცემისას **ჩვენთვის** შეტყობინებულ გარემოებებში რაიმე ცვლილების შესახებ ან თუ გამოვლინდა მანამდე არსებული, **თქვენთვის** უცნობი ან ახალი გარემოებები, თუ ისინი ზრდიან **სადაზღვევო შემთხვევის** დადგომის რისკს.

8.5. **თქვენ** ვალდებული ხართ, გარდა ზემოთ ჩამოთვლილი ინფორმაციისა, დაუყოვნებლივ მოგვანოლოთ ინფორმაცია თქვენი მისამართის/ადგილსამყოფელის ცვლილების შესახებ, წინააღმდეგ შემთხვევაში თქვენ მიერ მითითებულ მისამართზე **ჩვენ** მიერ გამოგზავნილი ნებისმიერი კორესპონდენცია/შეტყობინება ჩათვლება თქვენ მიერ მიღებულიად. ანალოგიური წესი მოქმედებს მაშინაც, როდესაც **თქვენ** მიერ მითითებული მისამართი არასწორი ან ხარვეზის შემცველია.

8.6. ინფორმაციის **ჩვენთვის** მოწოდების ვალდებულება მოქმედებს მთელი **სადაზღვევო პერიოდის** განმავლობაში და არ შემოიფარგლება მხოლოდ რისკის ხარისხის შეფასებისათვის აუცილებელი ინფორმაციით, არამედ იგი მოიცავს ანაზღაურების ოდენობის ან/და ჩვენი ვალდებულებების წარმოშობასთან დაკავშირებულ ნებისმიერ ინფორმაციას.

## 9. ხელშეკრულების/დაზღვევის მოქმედების ვადა

9.1 პოლისი გაიყვამა მასში მითითებული ვადით.

9.2 დაზღვევა ძალაში შედის **სადაზღვევო პოლისის** მითითებული თარიღის პირველი დღის 24 საათიდან და მოქმედებს პოლისით გათვალისწინებული ვადის ბოლო დღის 24 საათამდე, თუ **სადაზღვევო პოლისით** სხვა რამ არ არის გათვალისწინებული. ამასთან, ჩვენ არ ავანაზღაურებთ იმ **სადაზღვევო შემთხვევებს**, რომლებიც დადგება **თქვენ** მიერ პრემიის გადახდამდე.

## 10. რა შემთხვევაში შეიძლება შეიცვალოს სადაზღვევო პირობები

10.1 **სადაზღვევო პოლისის** მოქმედების პერიოდში **სადაზღვევო რისკის** ზრდის შემთხვევაში **ჩვენ** შეგვიძლია მოვითხოვოთ დაზღვევის პირობების შეცვლა ან დამატებითი სადაზღვევო **პრემიის** გადახდა. **ჩვენ** მიერ მიღებული ამგვარი გადანაკვეთილება **თქვენთვის** სავალდებულო ხასიათს ატარებს.

10.2 **თქვენ** მიერ გაცხადებული უარი დაზღვევის პირობების შეცვლაზე ან დამატებითი პრემიის გადახდაზე გვაძლევს უფლებას, გავაუქმოთ **სადაზღვევო პოლისი** აღნიშნული ცვლილებების დადგომის მომენტიდან და შევწყვიტოთ დაზღვევის მოქმედება წინასწარი ერთთვიანი ვადის დაცვით. ვადის დაცვა არ არის საჭირო, თუ სადაზღვევო რისკის ზრდა **თქვენ** მიერ განზრახ ან უხეში გაუფრთხილებლობით არის გამოწვეული.

10.3 იმ გარემოებათა შეცვლის შემთხვევაში, რომლებიც გავლენას ახდენს **დაზღვევის ხელშეკრულების** არსებით პირობებზე, მათ შორის, რისკის ხარისხის ცვლილების, დაზღვევის მოცულობის, **პოლისის** მოქმედების ვადის ან სადაზღვევო **პრემიის** ოდენობის ჩათვლით, **თქვენ** გადმოგვეცემათ **ჩვენ** მიერ ხელმოწერილი და ბეჭდით დადასტურებული **პოლისის** დანართი.

## 11. დაზღვევის/პოლისის შეწყვეტა

11.1 დამატებითი ვადისა და გაფრთხილების გარეშე დაზღვევის მოქმედება შეიძლება შეწყდეს ვადაზე ადრე წერილობითი შეტყობინების გარეშე, შემდეგ გარემოებებში:

11.1.1 **პოლისით** განსაზღვრული **სადაზღვევო თანხის** ამოწურვისას;

11.1.2 თუ დაზღვევის ძალაში შესვლის შემდეგ გაქრება **სადაზღვევო შემთხვევის** დადგომის შესაძლებლობა და შეწყდება სადაზღვევო რისკის არსებობა ნებისმიერი გარემოებით, გარდა **სადაზღვევო შემთხვევისა**;

11.1.3 თუ სადაზღვევო რისკის ზრდა **თქვენ** მიერ განზრახ ან უხეში გაუფრთხილებლობით არის გამოწვეული.

11.2. დაზღვევის მოქმედება შესაძლებელია შეწყდეს ერთთვიანი ვადის დაცვით წერილობითი შეტყობინების საფუძველზე შემდეგ გარემოებებში:

11.2.1. **სადაზღვევო რისკის** ზრდის შემთხვევაში **თქვენ** მიერ დამატებითი **პრემიის** გადახდაზე/პირობების ცვლილებაზე უარის გაცხადებისას;

11.2.2. **თქვენი** მოთხოვნის საფუძველზე.

11.2.3. წინამდებარე პირობების 6.4. პუნქტით გათვალისწინებულ შემთხვევებში.

11.3. **სადაზღვევო პოლისის** წინამდებარე ნაწილის 11.2.1 პუნქტით გათვალისწინებული ვადამდე შეწყვეტის შემთხვევაში **გამომუშავებელი პრემია** დაბრუნებას არ ექვემდებარება.

11.4 **დაზღვევის ხელშეკრულებაზე თქვენ** მიერ უარის გაცხადების შემთხვევაში **ჩვენთვის** გადახდილი **სადაზღვევო პრემიის** დაბრუნების საკითხი შემდეგნაირად რეგულირდება: თუ **თქვენ** მიერ სადაზღვევო ურთიერთობის შეწყვეტის სურვილი განპირობებულია პათივსადები მიზეზებით ანუ მოტივირებულია (რისი შეფასების პრეროგატივაც **ჩვენ** გვეკუთვნის ცალკეული კონკრეტული შემთხვევის მიხედვით), **თქვენ** მიერ გადახდილი **გამომუშავებელი სადაზღვევო პრემია** დაგიბრუნდებათ დარჩენილი დაზღვევის პერიოდის პროპორციულად, თუმცა მოკლევადიანი დაზღვევისათვის განსაზღვრული საპროცენტო განაკვეთის გათვალისწინებით (მოკლევადიანი საპროცენტო განაკვეთი განისაზღვრება ორი თვის გამომუშავებელი პრემიის ოდენობით) გამოკლებით. ხოლო შემოხსენებული პათივსადები მიზეზების არარსებობისას, **თქვენ** მიერ გადახდილი **სადაზღვევო პრემია** არ დაგიბრუნდებათ.

11.5. **ჩვენ** მიერ პოლისის მოქმედების პერიოდში ნებისმიერი ზარალის ანაზღაურების შემთხვევაში გამომუშავებელი სადაზღვევო პრემია დაბრუნებას არ დაექვემდებარება.

11.6. აუცილებელია ერთმანეთს წერილობით ვაცნობოთ **სადაზღვევო პოლისის** ვადაზე ადრე შეწყვეტის შესახებ, შეწყვეტამდე არაუგვიანეს 30 დღისა, გარდა 11.1. პუნქტით გათვალისწინებული შემთხვევებისა, როდესაც დაზღვევა შეწყდება ამგვარი მოვლენის დადგომის მომენტიდან.

## 12. სადაზღვევო აქტი

12.1. **მზღვეველის** მიერ შედგენილ სადაზღვევო აქტს ხელს აწერს როგორც **მზღვეველი**, ისე **დამზღვევი** და **მოსარგებლე**.

12.2. მხარეთა მიერ ხელმოწერილი სადაზღვევო აქტი წარმოადგენს **მზღვეველის** მიერ სადაზღვევო ანაზღაურების გაცემის საფუძველს. **დამზღვევის** მიერ სადაზღვევო აქტის ხელმოწერამდე **მზღვეველი** უფლებამოსილია, არ გასცეს სადაზღვევო ანაზღაურება.

## 13. თქვენი ვალდებულებები/როგორ მოვიქცეთ სადაზღვევო შემთხვევის დადგომისას

13.1 **თქვენ** ვალდებული ხართ:

13.1.1 დაუყოვნებლივ გამოიძახოთ საპატრულო პოლიცია შემთხვევის ადგილზე და მიიღოთ ყველა ზომა, რათა პატრულის მოსვლამდე შენარჩუნებულ იქნას ავტოსაგზაო შემთხვევის ხდომილების სახე;

13.1.2 მიიღოთ ყველა ზომა, რათა უზრუნველყოთ ჩვენი რეგრესული მოთხოვნა მესამე პირების მიმართ, რომლებიც პასუხს აგებენ სადაზღვევო

შემთხვევის შედეგად მიყენებულ ზიანზე, რამდენადაც გავცემთ რა სადაზღვევო ანაზღაურებას, **ჩვენ** მიერ გაცემული თანხის ფარგლებში **ჩვენზე** გადმოდის ის მოთხოვნის უფლება, რომელიც **თქვენ** გაგაჩნიათ ზარალის მიყენებაზე პასუხისმგებელი პირის/ბრალეული მხარის მიმართ. იმ შემთხვევაში, თუ **თქვენი** მიზეზით **ჩვენ** ვერ ვისარგებლებთ რეგრესული მოთხოვნით, **ჩვენ** უფლებამოსილნი გავხდებით, უარი განვაცხადოთ **სადაზღვევო ანაზღაურებაზე**, ხოლო თუ ასეთი ანაზღაურება უკვე გაცემული იქნება, უკან მოვითხოვოთ თანხის დაბრუნება;

13.1.3 არაუგვიანეს 24 საათისა გვაცნობოთ **სადაზღვევო შემთხვევის** დადგომის შესახებ, **პოლისში** მითითებულ ნომერზე, ხოლო 3 დღის განმავლობაში მოგვანოდოთ წერილობითი შეტყობინება **სადაზღვევო შემთხვევის** შესახებ;

13.1.4 მოგვანოდოთ კომპეტენტური ორგანოების მიერ **სადაზღვევო შემთხვევასთან** დაკავშირებით გაცემული ყველა საჭირო დოკუმენტი;

13.1.5 გაგვიჩიოთ დახმარება **სადაზღვევო შემთხვევის** მიზეზებისა და შედეგების დადგენაში, **თქვენი** შესაძლებლობების ფარგლებში;

13.1.6 მოგვანოდოთ შემდეგი დოკუმენტები:

- ა) წერილობითი შეტყობინება **სადაზღვევო შემთხვევის** შესახებ;
- ბ) **სადაზღვევო პოლისის** ორიგინალი;
- გ) ავტორანსპორტის სარეგისტრაციო მონმობა;
- დ) იმ **დაზღვეული მძღოლის** მართვის მონმობა, რომელიც მართავდა ავტორანსპორტს **სადაზღვევო შემთხვევის** მომენტში;
- ე) ცნობა საპატრულო პოლიციიდან მომხდარის შესახებ (შემთხვევის დადგომაზე პასუხისმგებელი პირის მითითებით);
- ვ) წერილობითი მოთხოვნა ზარალის ანაზღაურებაზე;
- ზ) **მოსარგებლის** (დაზარალებულის ან მისი მემკვიდრის) მიერ **თქვენთვის** პრეტენზიის წაყენების დამადასტურებელი დოკუმენტაცია;
- თ) **თქვენი** ან **მოსარგებლის** საბანკო რეკვიზიტები;
- ი) კონკრეტული შემთხვევიდან გამომდინარე, ქვემოთ განსაზღვრული ყველა სხვა აუცილებელი საბუთი;
- კ) ცნობა მძღოლის ალკოჰოლურ, ნარკოტიკულ ან ტოქსიკურ ნივთიერებათა ზეგავლენის ქვეშ ყოფნის ფაქტის დადგენის თაობაზე;
- ლ) თითოეული დაზარალებულის სახელზე შედგენილი აქტი, რომელიც დაკავშირებულია ავტოსაგზაო შემთხვევასთან;
- მ) სამედიცინო დასკვნა და სხვა მსგავსი დოკუმენტები მესამე პირის ჯანმრთელობისათვის მიყენებული დაზიანების სიმძიმისა და ხასიათის ან მისი გარდაცვალების მიზეზის შესახებ. აგრეთვე, ინფორმაცია ზიანის დადგომის მომენტისათვის დაზარალებულის ალკოჰოლურ, ნარკოტიკულ ან ტოქსიკურ ნივთიერებათა ზეგავლენის ქვეშ შესაძლო ყოფნის შესახებ;
- ნ) ცნობა გარდაცვალების შესახებ და მემკვიდრეობის დამადასტურებელი საბუთები (დაზარალებული პირის სიკვდილის შემთხვევაში);
- ო) საბუთები, რომლებიც ადასტურებენ მესამე პირთა მიმართ მიყენებულ ზიანის კომპენსაციისათვის განეულ ხარჯებს;
- პ) შესაბამისი ორგანოების მიერ გაცემული დოკუმენტები, რომლებიც ადასტურებენ დაზარალებულის ან მისი მემკვიდრეობისათვის სახელმწიფო/საყოველთაო/სავალდებულო დაზღვევის შესახებ და საქარ-თველოს კანონმდებლობის თანახმად განსაზღვრული ნებისმიერი გადახდების/ კომპენსაციის/ ანაზღაურების ოდენობას;

ჟ) კანონიერ ძალაში შესული სასამართლო გადაწყვეტილება, რომელშიც დაფიქსირებულია **თქვენ** მიერ მესამე პირის სიცოცხლის, ჯანმრთელობის ან ქონებისათვის მიყენებული ზიანის კომპენსაციის ოდენობა, თუ პრეტენზიის განხილვა მოხდა სასამართლო წესით; ხოლო თუ გადახდა განხორციელდა მხარეთა შეთანხმებით, ასეთი შეთანხმების ამსახველი წერილობითი დოკუმენტი.

13.2 კონკრეტული შემთხვევის სპეციფიკისა და თავისებურების გათვალისწინებით, **ჩვენ** ვიტოვებთ უფლებას, საჭიროების შემთხვევაში მოვითხოვოთ სადაზღვევო შემთხვევასთან დაკავშირებული დამატებითი დოკუმენტები ან კონკრეტული შემთხვევის სპეციფიკის გათვალისწინებით შევამყნოთ მოთხოვნილი დოკუმენტების ნუსხა. ამასთან, ხსენებული წარმომადგენს მხოლოდ **ჩვენს** უფლებამოსილებას.

### 13.3 **თქვენ, ასევე, ვალდებული ხართ:**

13.3.1 დროულად შეგვატყობინოთ მესამე პირის დაზიანებული ქონების დათვალიერების/ექსპერტიზის ჩატარების დრო და ადგილი (მის შეკეთებამდე) და ზარალის განსაზღვრის მიზნით მოგვცეთ საშუალება ჩავატაროთ დამოუკიდებელი ექსპერტიზა;

13.3.2 სისტემატურად შეგვატყობინოთ შემთხვევის გამომწვევი მიზეზებისა და შედეგების კვლევის შესახებ და, აგრეთვე, მიიღოთ მონაწილეობა ასეთ გამოკვლევაში;

13.3.3 მიიღოთ ყველა ზომა იმისათვის, რომ დაზარალებულმა მხარემ, **ჩვენ** მიერ ზარალის ანაზღაურებაზე მოთხოვნის განხილვამდე არ მიმართოს სასამართლოს;

13.3.4 საჭიროების შემთხვევაში, გადმოგვცეთ **ჩვენ** ან **ჩვენ** მიერ მითითებულ პირს შემდეგი უფლებები:

- წარმოგადგინოთ **თქვენ** სასამართლო პროცესში ყველა პროცესუალური უფლებამოსილებით, ქონებრივ მოთხოვნებზე პასუხისმგებლობის აღიარების (სარჩელის ცნობის) უფლების ჩათვლით;
- ვაწარმოოთ მოლაპარაკებანი დაზარალებულ პირებთან და მათ წარმომადგენლებთან;

13.3.5 **ჩვენი** წერილობითი თანხმობის გარეშე არ აღიაროთ მესამე პირის მოთხოვნა ზარალის ანაზღაურებაზე, არ აიღოთ ასეთი მოთხოვნის დაკმაყოფილების ვალდებულება და არ აანაზღაუროთ მიყენებული ზიანი.

## 14. როგორ ხდება სადაზღვევო ანაზღაურების გაცემა

14.1 **ჩვენ** გადავიხდით **სადაზღვევო ანაზღაურებას** მხარეთა მიერ სადაზღვევო აქტის ხელმოწერიდან 3 (სამუშაო) დღის ვადაში.

14.2. **ჩვენ** უფლებას ვიტოვებთ გადავავადოთ სადაზღვევო ანაზღაურების თაობაზე გადაწყვეტილების მიღება, თუ სადაზღვევო რისკის ხდომილების ფაქტთან დაკავშირებით **დამზღვევის, დაზღვეულის, მოსარგებლის** ან მათი უფლებამოსილი წარმომადგენლის მიმართ აღძრულია სისხლის სამართლის საქმე.

14.3 **სადაზღვევო ანაზღაურების** ოდენობის გამოთვლა რეგულირდება წინამდებარე პირობების დებულებების შესაბამისად.

14.4. თუ სადაზღვევო ანაზღაურების მომენტისათვის **თქვენ** გერიცხებათ დავალიანება, **ჩვენ** უფლებამოსილი ვართ, ანაზღაურების თანხიდან გამოვქვითოთ შესაბამისი დავალიანების თანხა.

## 15. სადაზღვევო ანაზღაურებაზე უარის გაცხადება

15.1 **ჩვენ** შეგვიძლია უარი განვაცხადოთ **სადაზღვევო ანაზღაურების** გაცემაზე იმ შემთხვევაში, თუ ადგილი ჰქონდა შემდეგ შემთხვევებს:

15.1.1 დაზარალებულმა განზრახ ჩაიდინა კანონსაწინააღმდეგო ქმედება, რომელიც პირდაპირ კავშირშია **სადაზღვევო შემთხვევის** დადგომასთან;

15.1.2 **თქვენ** არ შეასრულეთ **თქვენზე** ამ სადაზღვევო პირობებით დაკისრებული ვალდებულებები;

15.1.3 არ მოგვანოდეთ **სადაზღვევო შემთხვევის** შესახებ ინფორმაცია (შეუცხოინება) იმ ვადებში, რომლებიც შეთანხმებულია **პოლისითა** და წინამდებარე პირობებით და აღნიშნული შეუუცხოინებლობით არსებითად შეილახა ჩვენი ინტერესები;

15.1.4 **თქვენ** მიერ წარმოდგენილი რისკის შეფასების/**სადაზღვევო შემთხვევის** აღიარების/**სადაზღვევო ანაზღაურების** ოდენობის გამოთვლისათვის საჭირო ინფორმაცია (დოკუმენტები) არის წინასწარი შეცნობით არაზუსტი ან ყალბი;

15.1.5 **თქვენ** უარი განაცხადეთ უზრუნველყოთ **ჩვენი** კომპანიის წარმომადგენლის მონაწილეობა **სადაზღვევო შემთხვევის** გამომწვევი მიზეზების, მიყენებული ზიანის სიდიდისა და **სადაზღვევო შემთხვევასთან** დაკავშირებული სხვა მონაცემების მოკვლევა-მოძიებაში;

15.1.6. **თქვენ** არ წარმოგვიდგინეთ **ჩვენ** მიერ მოთხოვნილი ამ პირობებით გათვალისწინებული რომელიმე დოკუმენტი;

15.1.7 **თქვენ** უარი განაცხადეთ იმ საბუთების **ჩვენთვის** გადმოცემაზე, რომლებიც საჭიროა ზიანზე პასუხისმგებელი პირის მიმართ რეგრესული მოთხოვნის წასაყენებლად;

15.1.8 **თქვენ ჩვენთან** წინასწარი წერილობითი შეთანხმების გარეშე გადაუხადეთ მესამე პირს კომპენსაცია ან ანაზღაურეთ სასამართლო ან/და სასამართლოს გარეშე დაცვის ხარჯები;

15.1.9. **თქვენ** არ დაარეგისტრირეთ შემთხვევა საპატრულო პოლიციაში;

15.1.10 **ჩვენ** მიერ დაზღვეულ ინტერესთან მიმართებით ადგილი ჰქონდა ორმაგ დაზღვევას, მაგრამ თქვენ ასეთი ორმაგი დაზღვევის შესახებ ჩვენთვის ინფორმაცია არ მოგიწოდებიათ წერილობითი ფორმით.

15.1.11. წინამდებარე პირობების 6.3. 9.2. და 13.1.2. პუნქტით გათვალისწინებულ შემთხვევებში.

15.2 **სადაზღვევო ანაზღაურების** გადახდაზე უარი წარგედგინებათ წერილობითი ფორმით, სადაც მოყვანილი იქნება ანაზღაურებაზე უარის გაცხადების დასაბუთებული მიზეზები.

## 16. დავების განხილვის წესი

16.1 წინამდებარე პირობების საფუძველზე განხორციელებულ დაზღვევასთან დაკავშირებით წარმოქმნილი დავები გადაწყდება მოლაპარაკებების გზით, ხოლო თანხმობის მიუღწევლობის შემთხვევაში – სასამართლოს მეშვეობით, საქართველოს მოქმედი კანონმდებლობის შესაბამისად.

## 17. კონფიდენციალურობა

**თქვენსა და ჩვენ** მიერ ერთმანეთისათვის მიწოდებული ყველა ინფორმაცია (მიუხედავად მისი ზეპირი, თუ წერილობითი ფორმისა), რომელიც წარმოადგენს კომერციულ ან სხვა სახის ფასეულობას, ითვლება კონფიდენციალურად და წინასწარი შეთანხმების გარეშე არ შეიძლება გადაეცეს მესამე პირებს, თუ ეს დაკავშირებული არ არის ხელშეკრულებიდან გამომდინარე ვალდებულებების შესრულებასთან ან საქართველოს მოქმედი კანონმდებლობის მოთხოვნებთან.

მიუხედავად ზემოხსენებულისა, შესაბამისი სადაზღვევო პოლისის ხელმოწერით **თქვენგან** გვენიჭება უპირობო უფლება, **თქვენ** შესახებ ჩვენს ხელთ არსებული ნებისმიერი ინფორმაცია **თქვენთან** ყოველგვარი დამატებითი შეთანხმების გარეშე გადავცეთ სს “კრედიტინფო საქართველოს” (რეგისტრირებული მთაწმინდა-კრწანისის რაიონული სასამართლოს მიერ 2005 წ. 14 თებერვალს, რეესტრის #06/5-51, საიდენტ. #204470740), რაც იწვევს თქვენს აღრიცხვას “კრედიტინფო საქართველოს” მონაცემთა ბაზაში.

## 18. ინფორმაციის მიწოდება

**დაზღვევის ხელშეკრულების** აღსრულებისათვის აუცილებელი ყველა შეტყობინება მხარეებს მიეწოდება წერილობითი ფორმით, ან გაეგზავნება ფაქსით ან ფოსტით მხარეთა ადგილსამყოფელის/რეკვიზიტების მიხედვით. მხარეთა შეთანხმებით, შესაძლებელია **დამზღვევს** შეტყობინება გაეგზავნოს მოკლე ტექსტური ან ელექტრონული შეტყობინების სახითაც. **დამზღვევის** შემთხვევაში მისი რეკვიზიტების მითითება ხდება დაზღვევის პოლისში. მისამართის/ადგილსამყოფელისა თუ სხვა რეკვიზიტების ცვლილების შესახებ შესაბამისი ინფორმაციის დაუყოვნებლივ **მზღვეველისთვის** მიუწოდებლობის შემთხვევაში **მზღვევის** მიერ გაგზავნილი ნებისმიერი კორესპონდენცია/შეტყობინება ჩითვლება **დამზღვევის** მიერ მიღებულად.